



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bernardini Scardaeonii Patauini Presbyteri de Castitate Libri Septem

Scardeone, Bernardino

Venetiis, 1542

De crebra confessione, & consultatione cum amicis cap. xlvii

urn:nbn:de:hbz:466:1-30433

facit, sed etiam ad studium sapientiæ, & ad curandam rem familiarem plurimum confert. Preterea cauendum continentia studiosis, ne supino cubitu, neue semisomnes, & desidiosi in multum diem iaceant. Nec est id quod que, & si minimum uideatur, prætermittendum: multum scilicet conducere ad sedandam tentiginem, pruritusque molestiam tempestiue post somnum exonerare uesicæ. Riserit hic fortassis aliquis uulgare præceptum: at est profecto non tam scitum, quàm necessarium, neque tam eruditum doctoris, quàm amici, & fidi monitoris consilium. Nam quiescentibus nobis urinæ collectio, quum capacitatem uesicæ compleuerit, tentiginem excitet necesse est, & subinde pruritus libidinis: qui quidem ut est repletionem excitatus, ita protinus euacuatione sedatur.

De crebra confessione, & consultatione cum amicis,
Cap. XLVII.

INsuper (ut ad spiritualia remedia transeamus, quæ potiora sunt) multum proderit ad præsidium castitatis, si uel mente, uel quod absit, opere deliquisse contigerit, festina alicui probo sacerdote facta expiatio peccatorum, & ei præsertim, cuius aut ferre censuram, aut opinionem, quam de te habet, fallere plurimum uerearis: ut quoties ad patrandum uitium stimuleris, & Deum, & hunc expiatorem tuum semper ob oculos tibi proponas: quatenus ita erubescas quicquam contra honestatē committere, perinde atque hunc talem uirum semper adesse conspicias, & tanquam Deum ipsum habeas spectatorem: pro ut re uera ubicunque fueris, semper habes. Certum est enim quod in conspectu Dei peccas: qui ubique est, & cui latebræ nullæ sunt: qui in cœlis quum sit, speculatur terras, & intuetur abyssos. Hic pudor quoadiu in animo durabit, displicebit peccatum, languebit uenus, & sedabitur libidinis feruor. Expedi etiam crebro uel sacerdoti,

R R

DE RATIONE COERCEN. LIBID.

uel etiam amico cuiquam fido, & optimo aperire uniuersas tētationes, ac inuolucra cogitationum tuarum, & super his consulere, & poscere tibi auxilia saltem piæ, & quotidianæ precationis. Oportet enim quod sapius male pullulat, sapius etiam succidere: ac si fieri potest teneras plātas euellere penitus, ac funditus extirpare. Nemo potest (mihī crede) tūc cogitationes obscenas, & pululantia uiciorum germina intra se tacitus enutrire: multo etiam peius, si segetem messuerit aliquando turpissimæ sationis: & confidat suo ipsius Marte, absq̄ alieno præsidio ab ea captiuitate posse euadere in libertatem: & errorem suū ex seipso cognoscere atq̄ emendare. Quandoquidem, ut senex ille Terentianus dicit, maxime uerum sit: ita scilicet comparatam hominum naturam omnī, ut aliena mellus uideāt, ac iudicēt. q̄ sua: atq̄ ex eo fieri, ut in re nōstra, aut gaudīo simus p̄pediti, aut ægritudine nōmia. Quo circa cōmunicanda tam bona, q̄ mala nobis sunt, cū his, q̄ possunt & mala nostra leuare, & bona facere meliora: atq̄ his ipsis patefaciendæ sunt oēs tentationes: nec ullum occultandum malū, aut arcanū, quod nobis aliq̄n possit officere. Facile quidem serpit, lateq̄ diffunditur morbus, quem celes medicum: & ulcus latens, sanieq̄; oppletum magis excruciat, q̄ quod tempestiue reuelatum chirurgo, uomica aperta, & putredine emissa purgatur. Confiteri ergo peccatum, & in tentationibus amicos consulere salubre profecto remedium est: contra uero dissimulare, & tacere, mortiferum. Nihil ægrius sua patefieri, quibus ipse confidebat. Bona igitur est consultatio de quacunq̄ re, sed optima confessio uocalis, & sacramentalis peccatorum: quæ nobis frequenter est facienda: quum hæc sit illa: quæ hostem fugat, conscientiam purificat uires animi reparat, tristitiam dīscutit, atq̄ omne nubilum humani pectoris incredibili uirtute, & subita expiatione serenat.¹